

皇清文穎續編

皇清文穎續編卷四十七

賦

三大禮賦

謹序

竇光飛

臣
光胤頓首言

臣
狀見

皇帝陛下卽位五十年道洽時康順氣昭登諸福總
集正月六日依康熙壬寅故事

特舉千叟宴越月丁亥

臨新建辟雍

釋奠

講學又越月辛亥

親耕藉田三月之內大禮竝舉臣惟繩

祖武以優老復古制以崇學皆振古稀逢之曠典而躬藉劭農則自乾隆辛酉至今凡二十有四度矣

聖人之道恒久不已所以化成天下者率由諸此昔

漢臣司馬相如獻上林賦揚雄獻羽獵長楊甘

泉河東四賦皆炫耀簡冊垂爲後式唐臣杜甫

獻三大禮賦亦著史傳以今考之相如雄所陳
皆意存諷諫非用紀述甫生不逢貞觀致治之
盛所值天寶時政無可紀故其事與文齷齪未

足稱也

臣

幸遭逢

聖主蒙被

恩渥四十餘年親見

皇帝盛德大業齊堯方舜超越三王每逢

盛典本事紀功德撰成賦頌詩章隨廷臣進獻今又

幸遇

國慶竝舉三禮皆

聖人之盛節非漢唐所可比倫

臣

雖奉使兩浙未獲

趨陪執事而聞聲抃蹈不能自己輒忘陋劣卽

事敷陳敬撰三賦欲以闡

皇帝之德垂示永久

臣

光胤謹稽首頓首以獻

千叟宴賦

有華顛叟赴

闕式燕既醉飽於

聖德還過東壁使者而言曰蓋聞伊耆氏共函杖而
聲教溢姬周序顛毛而紀統秩引年之典重於在昔
匪一日矣然亦第行之膠庠訓齒讓表作率而已未
聞熙洽珥轅福應總萃叶開禁闔而肆耆筵翕人寰
而成嘉會叶者也

皇帝大德仁育久道慶延燭重離以繼照合二儀以
貞觀迺昭

乾賦以隆禮述

祖則而宣

恩重

詔宴以千叟用

錫福於敷天海內
顰眉方瞳齟齬
鯨背之儔
全集如

林叶薦紳珥筆頌聲蔚焉
足下寧無以云乎
使者曰

夫人聞虞韶而擬形容
不若羣后德讓於庭者
倍審其鏘洋也
考夏會而麥享王
不若列辟執玉於堂者

熟諳其度章也叟實推齒於彭佺又親承平豆觴奉
笑語以譽處荷

繁錫之龍光大禮旣存諸目擊郁文可得以言詳歟
叟曰唯唯歲在旃蒙已盛實惟

皇帝御極之五十年維時海隅日出悉主悉臣光天
拓仁壽之寓編戶鮮凍餒之民上致和以調序下懷
質以歸醇家知興歌於周栒人思効祝於莊椿於是
皇帝齡逾古稀又五年矣迺舉繩

武之茂典繼盛事於壬寅也先甲申

命爰掄英耆則有天潢演派斗樞揚輝詠麟詭其角
定觀象觀乎台階厯碩六官之長勵翼庠明之司染
翰或眎乎日影奉簡或挾以霜威郎官選而宿有應
列省曹黜而雲亦書奇若乃八旗舊勲五校統制形

圖

紫閣心依宿衛或鎮分駐防或營號健銳射聲之旅
每膺飲飛之士畢逮更

勅九牧自南自東哀松喬於列岳壯夔鑠於持幢亦
或承明解組甫里支笻效二疏之亮節分萬石之餘
風欣傳郵於會慶翩鼓楫以來同別有天山佳客月
籟名王南越桃關外界之士目東徂溟壤屬國之來
倅博選蠲以資格仙籍彙其姓名擬人則自貴逮賤
合三千爲衆論年則自耆及耄迄期頤有羸東門之
鶴颺至南極之鹿星并絳縣無勞疑其甲子商山無
妨殊其冠裳蓋嘉平方占乎漢臘而羣叟已萃於周

京矣迺以正月上日啟

端闈而和令頒

龍綉以澍膏瀉同血氣滋漉天喬乃

命司天涓吉于丙辰之朝是日也壽星朗次日尾正
中祥奠滙以六葉喜雲霽以五重辨角音於嶰鳳遲
宮漏於銅龍迺披

東華之廣路敞

乾清之法宮瑤階鈿砌綴以金釭業簾肆設鼗鼓維

鏞特磬列懸樹羽蒙茸萬樂粲麴備物盛容伊

宸極之居所環衆星以輻輳位

黼座於中央肆賓筵於左右屬

丹陛乎前楹班宗藩與鈞軸叶次日月之省勤兼文

武而績懋咸漢殿之貂璫並元公之袞繡其下則諸

司百僚求人惟舊依命秩爲近遠駿奔走以先後羌

緹獵以鱗比儼灑瀆而波濤羅杖鄉與杖朝齊五豆

與六豆庭燎輝以向晨陽旭暎而初晝爛振被以霞

皇清文正公集卷之二
飛藻爛熳於虹窟貯

華蓋之降臨
甲膝席以祇候於是

皇帝迺負斧扆憑玉几以觀鶴髮之婆娑識羣心之
瞻就華鯨鏗雲韶奏球石夏殷雷响移雉影於金鋪
篆爐煙於玉獸臚人語行以贊拜

天顏咫尺而光覆迺有元臣奉觴而進稽首颺言曰
臣聞義經大衍之數五十願以乾坤二策爲

皇帝壽在列三千叟共得年若干萬願以爲此觴侑

積時億以無疆卜茲會之多又

皇帝曰俞哉其自九齡以上及躋一品崇階者皆至
御筵前

手賜之觴以爲醕

叶

鬚皤登降卒解俯伏

叶

稽顙厥

角樹頷延脰於是庖人行炙席夫傳酌割鮮山狩舉

香林柚餐烝楚苗之粒藪潔堯蕙之羞

叶

迺有振子

材騁眩人伎鬪吐火幻形儵忽遷負檀末進來提兢
騰狄或燕濯以狹衝乍倒投而別趣

叶

仙童羽衣蹕

足翹袖攜洪崖以上征晤王母於崑岫召蒼龍使鼓
篪諧史籥以中腴變宮徵以雪霏却清商而雲逗百
戲程千品究羣歡浹介賚富雕盤闐而穰穰黃封委
以如阜叶量宜稱施各隨所受叶賁承筐之華纁區
貢品之精鏐叶靈壽輸自巴谿摩尼疑來祇鷲綵囊
綴華於玖珮如意絢章於瓊鏤捧江硯似劒山膚展
吳箋如拭水玉叶褒優殊以等差多少貴其品目叶
在廷之人拜

恩駢踵祝

嘏同口叶惟曰欲至于萬年惟

上天之佑

皇帝迺穆然深思溯權輿於

堯年憶觀禮於冲幼憶今昔之合符謹心源之相授
念繼序之不忘賡

帝歌以步驟綜壽世之經猷幅函夏爲鉅構彼盈庭
之屬和徒躑躅於句讀譬猶量渾蓋於井谷續鳳邕

以鷄味又惡能知其條理測其高厚者哉鄙人備員
不啻大輿之一輻取充叟數而已猶幸以桑榆之末
景均煦育於大造叶而况巖廊之喬材與中林之翹
秀然則斯舉也自有書契以來數百世所未覩而我
國家

聖

神嗣興乃越六十四年而得再覲也叟之詞未終東
壁主人噴然而歎曰至矣哉

聖人之福如天也聖人有天福則與天下共之茲宴
之舉於古無聞宣叟之震揚偉烈以無前也抑周雅
既醉備五福美其全享是福而天下安之以爲當然
也夫聖人正位凝命爲天牧人寧惟是邁逢世會邀
福蒼旻鳴一時之得意耀萬國之觀瞻云爾哉固將
有自求多祐配命以永年者在昔三五肇興受命
最永而皇墳久湮堯在位近百載養老未詳於虞編
記徵燕禮於有虞歷三王以相沿而於人君受命之

短長亦靡得而原也姬公作訓無逸述殷三宗叶而
享國得五紀者惟中高二君趨知依於小人爲大德
之格天詩歌紀綱之燕及禕受祿於杆篇成康雖域
於中壽厥章猶肆於學官若乃穆滿設宴於瑤池劇
肆志於游盤幸呂刑之有作藉晚蓋以補完逮後王
之迭興每因事以設筵然而沛宮南頓直屬始基栢
梁花萼亦瓌瓌無足論元明業勗於二祖奮武不遑
以敷文又未洽乎四紀故慶燕亦未有傳及明末造

不能厥政神宗中曠礦厥蠹併歷年六八膏肓已病
重以暴昏之席襲翼豺虎而授柄刀鋸施於忠直衣
冠與爲梟獍大盜熾以移國民力殫而不競逋臣虜
極蹙惛始開關扶服以請命我

世祖赫然起而正之亂甫有定肇造我區夏垣墉載
巨我

聖祖冲齡嗣世而懋德日躋以

聖敬迺執大中建

皇極紹

累葉之純熙蕩三孽之毒螫亟討西戎而沙幕庭犁
六巡南服而淮海漲塞用能靖戈鋌以席衽易潢汗
爲阡陌破觚斲雕與民憩息維以振地之鉅綱疇以
如天之廣幕豈無躍金而鑪冶鎔亦有枉木而櫟楮
直網常漏於吞舟之鱗而奸不生澤常滿於飲河之
腹而施不德譬中衢以置尊隨斟酌而各得優游涵
濡歷年半百庾有紅朽野有露積含生之倫游泳濺

澤淪深肌髓咀飫元氣叶無有遐邇內外咸思近慈
父母而親顏色然後鳩天下之老而進之廷階與爲
引翼同豈樂于耆耆徵徧德于飲食是以茲宴之期
舉曠千古而爲上儀非至聖弗克也逮我

世宗纘鴻緒而經紀之率大夏而礪砥之兢兢亶亶
蓋十有三祀

皇帝承

列聖付託之重夙夜不敢康基宥密以心單嚴陟降

於

上蒼

園壇

紺殿承事必

躬春

祈夏

雩

迎日仲冬視版夙戒奠璧升香以迄于今不懈益恭

方澤母事月姊日兄星辰從列嶽瀆方望歲時告報
禱以雨暘誠孚響荅呼吸與通斯卽有虞氏之類帝
而禋宗也

宗廟饒假悽愴如見作堂紀

恩繼志思善

三詣

留都敬仰

弓劍

締構之艱石馬猶汗

製全韻詩帝王共貫述

德昭

功

聖文彌煥披宣

實錄舊章維憲斯卽姬周之念祖而揚訓也君爲民
心所省惟歲紺轅增

推耕織

題繪較晴量雨五夜心瘁漢賜半租史家稱惠

賜全遞邀惟

皇德大

蠲賦至三

蠲糧至再

輦路經由十三成例或歉偏隅蠲賑兼濟斯卽書之
稱惠鮮而用乂也

臨太學

幸試院延經儒兼詩傳第嘉頌校妙翰

簡青錢於鑿坡

擢薇郎於

行殿斯卽詩之詠作人而式衍也金川致討始撫終
殲準戎旣犁天方遂燹關土二萬里旣宅旣佃騰格
泉輸闔壁連颿愛烏汗獻其名刀渥巴錫率部人逾
萬里

覲于伊綿斯又視湯之享氏羌禹之敘崑崙析支渠

搜而更遠也展義

省方于嵩于岱于臺于津于南

六至非亟於觀

前猷式嗣淮堰增鬼河隄延雉鹽官捍海塘成鼇鼉
斯又綜虞周以省成而神人咸受職也

宵旰之暇游心篇卷

製文數百詩逾三萬

頌同六經儒生講研稽古考文會粹藝苑四庫滙編

貯閣蠹漢斯又堯之文章聯舜禹而復旦也若乃隆
禮

闕里

頌器

撰贊則有君師合契之淵源詢事考言晝接日
覲則有疇咨熙載之懇懃正

玉牒辨忠勲則有惇忠錄舊之上仁明邦典

咨恤欽則有好生洽德之深心

叶

秋塞行狩詐馬教

馳則有選徒訓旅之戎功叶星使測晷撓甲衍輪則
有賓餞授時之敬寅按六籍而稽往號臚萬牒而較
前軌

仁聖之道備矣真所謂

古稀天子者也然猶惟日孜孜不遑暇逸灼立政于
俊宅勤清問于衢室慮有司之奉行徂於具文而罔
知恤也膏或屯於下究情或壅於上達事或以娛目
而移志言或以適耳而忘疾是以

飭率屬之吏究惠養之術禁異方之貢賤難得之物
華侈屏頑讒聖哀剋誅貪墨黜本廉貴約循名責實
固已夏鼎莫遂乎魑魅軒鑑無遺乎毛髮尚復與時
澡滌比事爬櫛

臨辟雍而敬讓以身先

藉千畝而稼穡以勞帥爰稽

先典

詔茲舉爵叶尚齒則老老之教行先族則親親之道

具叶序爵則尊尊之義彰逮賤則下下之情遂於以
滙四瀛爲罍竚聯九有於几席示茲惠以永保

厘一夫之不獲賡酌酢於

九重剪

堯襟於比律勗鞠育以同心要股肱之盡力叟徒知
幅員之廣黃幡之衆爲

天庥之申錫而不知

聖人之自度翹翹平常凜監觀之難必也叟徒知禮

儀之富

賚予之渥爲明良之相悅而不知

哲后之顧畏惴惴乎常虞幽隱之未悉也

皇帝以

天之心爲心故

命有常叟各以

皇帝之心爲心故民有壹上下相維以孚元吉俾天
地不愛其道寶人物盡釋其疾厲叶夫如是故萬福

千祿引之勿替叶也若徒誇有大以鳴豫而弗思謙

吉之允迪俾泰交以誌喜而弗思貞恒之不易是猶

觀流水於江河而第遡游其濼瀾逢穹林於岱陰而

直攀翫其柯葉叶也毋乃志末叶乎於是叟慢然自

失曰

聖人之用心同於

昊絳鼓萬物而不知有九有而不恃叶諸叟庇

宸宇以綏養沐

聖澤之飫沃

叶

亦如百卉之耉藟自津馮於沆瀣已

爾敬釋

睿篇蒙析

上旨然後知

國慶與

天恩所以

欽承者有自走雖不敏敢誦天保之六章以答

聖人之嘉賜也

詔建辟雍告成

聖駕親臨講學賦

歲在癸卯

詔建辟雍於國學逾年落成

皇帝迺以乙巳仲春釋奠

先聖

講學於庭觀聽者圜橋門拘虛子在焉

叶

禮旣迺過

稽古先生而問曰蓋聞國學之設昉於虞庠夏稱東

序殷號瞽宗周人兼用之迺尊天子曰辟雍其制則旋以水而如璧築其中以爲宮上法乾以正圓下應坤而成方屋通天而徑九肖變化於陰陽敞七十有二牖戶外設以不藏象曰辰與七宿高迺應乎黃鐘帶周四以波流類環海之洋洋崇中室而爲太廟大一統則曰明堂天子以朝以祭以教以饗叶歲時觀禮與習射師行告誡以獻功兼養老而乞言書惇史以戒忘區四門爲太學迺同事而異名沿及六國厥

制云亡漢武祖立典禮未詳世祖中興而復建嗣事
迺盛於永平蓋宗祀光武與黃帝迎養二老與五更
時三雍已別爲區宇而祖割猶傳其儀章逮肅觀僅
存遺意洎鴻都遂以無稱唐宋以降太學屢有盛衰
而辟雍之制概未遑也今

皇帝敷明和於函夏追文武之遐蹤而門闈旣制殊
於太室更叟又議繼夫蔡邕將帝王之制禮不必相
仍歟抑古今之異宜名與實不容相蒙也稽古先生

喞然而笑曰若子所云殆所謂索劍而鏗其臚也夫

國學所以明人倫示天下範模而已義本共乎三代

制特別於諸侯

叶

譬猶執圭而鎮爲尊設懸而宮固

殊其教則禮樂詩書之竝崇干戈羽籥之與俱選俊

傑以遞升實官材所由儲若乃天子入學則師道昭

叶

太子入學則齒讓乎自羣后之太子與公卿大夫

之適子皆以迪其德業而範其馳驅是以作人庸歌

於壽考斯士致美於髦譽東周之衰子衿興刺游士

遂極書禁乃厲及炎漢之代興奮然欲以起廢舉墜
然德化初未流洽禮儀卒亦不繼道德薄而教澤淺
本源先匱焉爾維北京之國學迺肇建於至元元以
武威定國而懿德未闡叶明自永樂遷都政雜多端
迄乎中葉寺人是聽叶視殿陛猶萬里憚一涖乎干
官違恤學制之完缺與儒術之亨屯我

朝

奕葉緝熙淳流行溢

皇清文類續編

卷聖

賦

五

皇帝以

天縱之聖日新厥德用中爲度致和爲律率

祖而日月輪重由

聖而君師契合

叶

十贊早勒於

杏壇雙楹重登夫

賜器

叶
肄

御製詩文於膠庠

頌四庫全書於中外叶自與桓近垣暨天方絕域莫
不設學建

廟轟然就我埏埴矧茲成均首善時夏之所觀型鄉
校之所取則而辟雍顧久遺闕也迺

命司空度地考工庀材砥以景槩營以般榘採喬檉
於嶧峘伐磐石於厓巖天官涓辰挈壺正時順柔祇
以啟土規明月爲周池疊碁岸之裸碗緡洌井而成
漪洊習坎以盈科欣觀瀾之在茲駕長虹以爲梁蜿

青龍之躩踞頰魚樂於躍淵想蒲藻之含滋於中則
考廣袤以架殿度堂筵以爲基抗崇墉之岌業豐華
覆之赫戲列丹楹以玉礪攢芝栴與蘭棖藻以綵繡
綴以雲霓思夏后之卑室嘉周民之子來重屋八達
地矩天規階墀擘四門洞開順鄉作繪五色彰施
儉不能踰華不可裁中爇焜以靚深軒楹豁而向離
義轂揚燧於朱拱舒輪皜皎於瑤墀應
辰極以居正象

帝心之無爲憑學海於函丈窺源逢於

聖涯擬圓神之周流隨鑑照以無私時風遭以成文
占渙號而化馳懸以

璇榜蟠以雙螭

乾文垂曜倬漢燭奎翼以六堂左右邇迤諸生絃誦
於是焉稽東序西序之模斯在上庠下庠之義可推
於前則瞻寶坊之屹峙爛熳煇以霞飛儼嶠壺之朝
暎映渤澥以流輝蓋經始於昭陽之歲迄闕逢執徐

彌菁所司告功萬方偕祿

皇帝用是

親製訓言昭示萬嗣

叶

迺以今年春二月上丁舉

釋奠之隆儀

召生徒

簡儒侶

御幄陳冠珮醴奉

寶座當

展宁供

講案移藻黼設樂懸區韶武於時降婁紀躔建星在

戶

天光肇登

鑾輿夙具

叶

皇帝迺整法服羅禁旅

御蒼龍翳翠羽啟

鳳樓指鱣序建辰旒之華旗從鬣髦之衍衙清道按

列翼乎至於祀所禮官告備丹陛樂舉鏗華鯨振猛
簞拊球石合祝敵簫管嘒佾羽舞大胥起而登歌鞀
襄坐而竝鼓嘉幣迎列盛牲實俎

拜獻恪以致虔羨墻懋乎如覩

皇帝迺登彝倫之堂更袞服以攝威鑿壅水以示沖
則有麟角振振鳳颺離離虎旅翮以颺戾鷺序靄而
雲從賢齋博士領以聖公國子寮屬悉率諸生沿及
高麗陪臣趨踰趨遂蒸蒸威儀於辟雍南異列

齊恭

皇帝迺

御正殿以臨叶之粹顏穆穆

曰華

天容瞻卿霽以有喜仰清明之在

躬韶樂作臚人鳴丹陛繼六拜同禮畢遂退樂闕無
聲百僚升階進請以次元宰陳書祭酒析義管猶捲
一卷於日觀攬撮土於厚地

皇帝迺播

敷言示

寶誨揚義象以天行標文德爲人極叶君臣父子概

乎五倫潛見飛躍乘乎六位乾道惟健不息聖人以

敬得止叶俾君子之日強公至善於同類繇

躬行以自得闡心畫爲宏議信修道之爲教覺斯民
於夢寐強者聞以怵蹈懦夫激而汗臂九操厥角合

語發喟迺頌

帝歌之四章明酌古之鴻制闢更老之曲說臺篤恭
於茂對雲韶更饗茗椀均

惠遂奏道平之章油然而返轡允矣東西南北之無不
思服自漢永平以來懸選列辟以迄元明又五百餘
年而始遘茲會也若子所聞蓋迹而已矣迹出於足
而迹非足叶也必求前人之跡而一一踐之是欲行

而適自窒也且夫三雍之事惡能合一哉原辟雍之
作蓋權輿於豐邑叶維時文王方自岐遷營靈臺以

望雲物又建學環以靈沼乃嘉名之肇錫周人快見
而誇美猶秦風之車麟與駟騶及周之爲天子乃尊
其名而相襲叶始應繇王之命教賜斧鉞爲西伯方
率其二以服事安得有明堂與太室若遽作宮以僭
擬寧不虧損於臣節若乃明堂之名見於孟子叶蓋
王者巡狩方嶽居之以朝百辟若竝廟學以同處又
安能攜以適四國月令誌南陽與總章名因時以判
析蔡邕據以論定規制褒以鬼卒夷考唐盧莒茨不

翦土借三尺夏后垂戒峻宇恐未必致美於宮室迨
殷周之營建制度難以究悉後儒傅會以道古亦姑
存其說云爾漢武封泰山公玉帶上黃帝詩與明堂
圖時嘗用之以祀太乙而未嘗議及於辟雍其事本
不相及也明堂方三十六丈其地初非甚濶合朝祭
與造士神人亦嫌無別宗祀或出特舉朝學豈容混
壹卽太子之齒學亦行禮而來至叶脫衆庶之雜處
徒隳聒其何益徇警說以力行將謀食而得噎東京

分建三雍固知不可以合設而析辟雍與太學則亦
美其名而未考其實也至若庠之爲養孟詵自確疏
三老與五更豎儒乃劇爲穿鑿叶喜
聖訓之昭宜豁霧翳於衆目勒

前說與

後記擬合璧於雙珥禮大合樂遂養老儀自秩乎饋
酌叶既命有司行事胡又重以袒割鄉飲亦有介賓
衆賓存饌羊於告朔久相狎爲具文民詎因以親睦

昔文王最稱善養不必盡於學也所得大老二人一
著績於鷹揚一以養終而好事者以爲逃於首陽世
儒篤信異聞迺莫知其荒唐及東漢之盛僅得李躬
與桓榮後則魯丕楊統亦叨禮隆而靈之末造猶賜
玉杖於袁逢彼已失其玉鏡底事承乎虛筐

皇帝愛育黎元使養其老寒者以衣饑者以飽於鄉
有銀牌之耆侶于朝有香山之壽僚春正肆

宴方鳩三千叟於

紫宮煥若衆星之拱繞又何有於三五之小小者乎
且自宣聖既遠危言殺真非一二人也夫子之言性
天子貢歎不得聞漢宋而降訓詁習沿五尺之童哆
然發口於其間無恠眉山之善喻嗚捫燭與扣盤至
若封建論定於柳州井田猶喧於羣儒不思田各有
主疇則樂爲官輸無罪而徂其有恐叛不可勝誅又
用臆說以十六以上爲餘夫果爾則人皆有田主伯
亞旅於何求諸以一人治百畝安能分手足以耕鋤

其言甚高以實求之直當一軒渠也易繫窮變通久
考千聖若合符深衣可易燕縞五冕詎仍收呶貢徹
各爲立號質文不妨分趨非先天以開人要同歸於
殊途卽庠序之異稱夫非其明微乎是故務實者治
循名者誣酌古宜今者聖執古變今者愚矧我
朝之制度

列聖創垂爲奕世顯謨哉

皇帝以復古之藝教深泥古之遠慮權損益於百王

妙化神以時措詒

大訓於子孫俾履滿之知懼傳

堯心於執中孚姬德以念

祖叶此所以

詔古今之通航而億萬禩用以保延

洪祚者也吾子服習古訓不能溫故以知新猥摭
摭
勦說以爲擬議亦未紬繹於

聖言也鯤鵬乘海運而鱖鯢唼喋於衆續鵠鷓啁晰

於柳樊欲以有覲難矣僕亦摹繪

乾象策依所見以爲名叶而

帝載之廣運究非筆舌所能詮也於是拘虛子避席
叮嚀仰天歎曰大哉

聖人之時所以用中也鄙人覲覲有類夏蟲迺今聞
命渙若發矇矣

親耕藉田賦

有康衢老人旣聆

聖政迺以所聞問於育英大夫曰聞莫春之初吉

皇帝有事於千畝

躬秉耒以迎和勸農功於九有制蓋傳於唐虞歷循
襲以永久記致詳於三推反命爵曰勞酒周祈社以
載芟並頌及於耘耨後有舉而不廢賦頌每衆人口
今

皇帝之

臨精憶俶載於辛酉歲率典以舉事地迺京兆之所

守子大夫襄事有素矣其禮可得而詳否大夫曰唯
唯溯羲和之分命秩東作于仲春稽親藉于月令孟
月乃擇元辰乘地氣之初騰先載耜於兆人洎泰始
之奉行猶徵信於安仁歷代並以春舉時日各不相
沿我

朝歲涓吉亥期必後於春分當清明之應候魄禹甸
之方昫蓋用堯典以授時正播殖之維均也若乃京

邑翼翼天橋迤南

叶

園壇之西曰

先農壇啟

帝藉于壇內東偏後建

神倉太常隸焉自

先皇劭農重本式禮維乾占晨發趾必

躬必

親蓋以示粢盛之致信懋食時以率先

皇帝續

緒承志敷政慈勤除綵棚之綴飾導氓俗以樸淳

耕田

嚮設綵棚戊寅

上特命徹去

每戒農用先甲巽申

詔所司啟壇門屬赤縣鳩耆民撰農器理術阡覲壤
膏差原鱗掄柔優與力暇齊驛角與黑純甸人清叻
以砥平農正理軛而特馴迺循

先典演耕於

豐澤園

豐澤園演耕自

世

宗憲皇帝始行之後遂爲例

念終畝之

懿訓

演耕會

世宗憲皇帝於

豐澤園

命

上終畝

廣懷永以彌庥

御製演耕詩有率先循
聖教懷永切微衷之句

選御事

於列棘

簡紺耦於親藩屆期設桓先路灑塵駢羅七萃傳警
入神召屏翳使前驅屬勾芒以扶輪於是萑葉開綠
杏葉團紅林喧羽拂川縟萍生

皇帝迺

乘鸞輅六蒼龍轉

日馭啟

天闔揚輕葭扣鴻鐘挾初雷

御時風建青旗之旖旎翳羽蓋之華丰闐戟馭以波
馳羽林繹以景從轟轟軫軫沈沈溶溶望

瑤壇而

駐蹕致潔齊於

齋宮爾乃雞人戒旦牽牛正中考絺冕之隆儀用

明禋於

先農鱗笄毛簾甸齊鳴雲齟孤竹璆磬同聲五音
依韋羽舞鵝鵝臚牢登俎嘉粟似芳潔滌灌獻孔秩
孔明神歆馨以顧饗思常羊而益恭祀畢告退羣僚
趨蹌咸袞服秩班於耕所以埃

法駕之來臨

叶

爾其崇臺敞朗礪礪重垠玉階三面

綴以頰欄下設綵亭青箱貯存種稔辨種於焉是登
叶耆農結束稼具茲敝耕耦駟列按牌翼分

御牻中色金絡嵬冠洪縻掣曳寶鏡中懸被以繡服

輝煥龍文司儀告備挈壺報辰

皇帝迺服露袞之法服綴驪珠之瑠璘雍雍肅肅以
莅於

天田於是司農進耒京尹奉鞭虎賁撫耜期門引牽
中睦展履禮官導前維

御耒之正黃兮象土德之獨尊羌

躬操以一墪兮隨疾徐而雲穿剡耜畧以澤澤兮隴
稠直以如弦少尹捧箱而隨侍兮少農播種而趾聯

農夫躡以土覆兮旅踵足以銑銑前

綵仗之幡纒兮輪婀娜以飛翻絢五色之昭灼兮間
桐華以競新爛霏瀟以琴離兮狀善氣之郁紛振簫
管於小部兮雜社鼓於篋塤歌禾詞以六六兮宛肄
雅以儻幽風習習以流響兮日九光而相鮮燭

金鞭以流耀兮揮不勞而式遒

推增四而復周兮從僚受以就班

皇帝乃登觀耕之臺容與

懌顏

御黼辰以延矚植

黃徽於中間三王九卿先後以儼力兮老農襍穡襄
而駿奔烏犍犗以齊首兮耕人勣一而比肩儼分畫以
列爰兮耒歛滌以流丹推或五亦或九兮庶人代終
而禮完於是衆耦告同臚人齊列簪裾聯班蓑笠胥
逮叶九操稽首歡呀嗶呶叶然後緹騎翫屬

天行旋

蹕京都人士望

朱紘之休光聽

龍輿之幽謁屢左候自髻鬣鳩節迓於皤髮非若前
代之偶舉或矚然而麥飾僕奔走以將事嘗四度爲
窺涉故麤能詳其說也今茲歲占巳盛日行蒼陸

叶

當胃宿之躔維鄰上巳之華節文虹蜿而始見勾萌
茁以畢達積雪融而土沃盛陽蒸而脈發雖節勞以
三返亦猶是古道之是率爾矣

四推四返自壬辰仍

皇上親耕嚮加

按古禮三推甲午

御製耕藉詩有節
勞祇以行三返敬事寧當懈六旬之句

吾子沾沾

以致詢將毋相忘於知識歟老人曰帝王之大體非
蒙所知也抑有說焉願析其疑夫人逸則思淫勞則
思善此存乎人叶者也壯則力優老則力絀此乘乎

時者也禮稱耆指使七十安車叶

農民六十歸田見

諸漢志叶

量筋力以爲禮詎貴賤之有差是以方策

昭布落落鴻儀或間世而一舉皆未逮乎甲周叶

叶

皇帝壽登古稀歲又逾五矣叶

日皇皇於中昃允釐

熙乎

萬幾猶移

玉輦於壠晦枉

天步於叮哇

聖躬雖云忘勞頤養其日如台乎大夫曰子惡知

聖人之事哉堯在位七十載方咨俾乂舜勤屢省叢

脞猶惴禹奏平成業業無怠湯懋建中稽事匪懈文

卽田功祇祇敬忌雖集慶以康穰猶沐惕於朽轡

皇帝監前聖以道侗若

昊天而工代

作父母於生人知所依之有在念扶父而攜子非粒
食其何賴憫稼穡之艱難圖觀成於銍艾懼三時之
有違不畱畬以惕誨積孜孜於禹思歲一

莅乎春耒厲精感以昭饗通

蒼靈於警欬迓盈陽於奮土協二氣以負戴同暨稷
以奏庶示五穀之爲貴譬猶日用與飲食又奚問其

勞逸

叶

哉且諦觀五十年來

皇帝之祇勤民事非獨耕藉也

巡河則人免爲魚

觀海則塘喜成石

勅蠶繅於桑宮納市價於列牧

叶

軍行而

籌乎萬里獄讞而

裁於秋冊

燭或酌以半全賑必寬其日月量晴雨於深宵應

祈禱而澍澤或備無之偶逢憫然有若辛蠶至於天
方早遍耕屯伊犁並權儲積何人不荷

聖慈何事不關

宸畫矧

郊

社

烝

祫無不

躬致誠潔豆籩簠簋之盛於是乎出將奉和以嘉告
昭忠信之無隱懷

明德以升馨借普存於衆力寧憚於大次之式

臨縹軛之是卽子獨不觀於

天乎巍巍洪覆於穆難名出納日月經緯列星暑來
寒往相推歲成二五構化衆庶馮生潤以風雨鼓以
雷霆道固神而莫測器乃在以璿衡日輪旋而必周
無晷刻之或停

天無心而行自健

聖有心而居以恒惟自強之不息乃六位之時乘

天振古以如斯

聖當今而成能讀

臨雍之

鴻論合天人於一誠本克己以復禮惟主敬之常懼

釋

聖言而道遠非年世之可程計茲舉於今春當大衍

之方盈推乾坤之二策萬一千五百有贏歲以時而
來莅將累億以無窮而子迺以常人之情測之殆無
異坐井而矚於九重也於是老人忻然意滿忭舞趨
趨相與歌曰噫嘻三農春占祥兮歲勤於耜嗣

先皇兮

龍袞臨場奕有光兮敬迓田祖般

靈祝叶兮自今伊始屢豐穰兮又歌曰

既之穰穰富媪神兮與雨以時暘罔愆兮我

皇歲徠以省功叶兮擁耒諳節殷耦闢兮有徠繹繹
萬斯年兮